

DE
PATELLÆ FRACTURÆ
THESES
ANATOMICO-CHIRURGICÆ,

QUAS, Deo juvante, & Præside M. PETRO-MICHAEL
ALLOUEL, Artium & Chirurgiæ Magistro, Doctore-
Medico Remensi, Regiæ Chirurgiæ Academiæ Socio, nec-
non Regii Præsidi Nosocomiorum que in arce Monæci nuper
Medico; tueri conabitur FRANCISCUS-MATHEUS
DIDIER DE LONROY, Parisinus, Artium in almâ
Universitate Parisiensi Magister, & in Duaci Nosocomio Mi-
litari nuper Adjutor-Chirurgus.

PARISIIS,
IN REGIIS CHIRURGORUM SCHOLIS.

*Die Veneris Vigesima primâ Julii à sesqui-secundâ post meridiem ad
septimam.*

PRO ACTU PUBLICO
ET
MAGISTERII LAUREA.

NATUS HONORANDO DATQUE DICATQUE PATRI.

A long, thin, dark object, possibly a quill or a piece of wood, with a small circular hole at each end. It is positioned horizontally across the page.



D. O. M.
THESES
ANATOMICO-CHIRURGICÆ.



DE
PATELLÆ FRACTURÂ.



TRUM fracta Patella callo obducatur, & ut alia ossa coalescat Authores inter se dissentiunt : annuunt alii, alii renuunt, aut etiam, cum fracturæ ossis axi parallelæ coalitionem concedant, transversæ coadunationem prorsus negant. Patellam ipsam & utriusque fracturæ discrimen attentè perpendenti minimè profectò arridebit horum sententia.

Omnia ossa sensim & gradatim indurescunt : quod in omnibus, idem accidit in Patellâ : at ubi ossa fracta fuerunt, naturâ & arte ministrâ

divisæ partes in unum coguntur : cùm ergò Patella cuius structura eadem est ac cæterorum ossium, quæ iisdem succis nutritur, Conglutinationi resisteret? Cum aliundè transversæ fracturæ coalitio ideò tantùm difficilis & ardua videatur quòd fragmenta à se dimoveantur invicem, & ægrè admodùm in mutuo contactu remaneant, si recentiorum observatis & felicioris praxeos usu huic incommodo prævideatur, nonnè meritò *transversam* sicut & *longitudinalem* fracturam Coalescere dici potest?

Patella ante Femoris Condylus sita jacet : facies anterior convexa rugosaque videtur; posterior concava, lævigata, & cartilagine, ut potè articularis, obducta : hæc lineâ prominenti quæ à basi ad Mucronem extensa, cavitati Trochleæ inferitur, in duas dividitur partes quæ Femoris Condylis correspondent : externa latior, longior est interna.

Mucroni inferiori & obtuso alligatur latum validissimumque ligamentum nonnullis sæpè tendinum fibris firmatum, quo tibiæ tuberositati fortitè vincitur Patella.

Connectitur, ut modò dictum, cum tibiâ ope ligamenti memorati, cum Femore verò facie posteriori : pars Femoris huic correspondens Trochleam efformat quæ obliquè parum descendit & infra latior quàm supra patet. Femoris enim Condylis primo ortu minùs à se distant, postea sensim hinc & inde diffugiunt, undè inferiùs & posteriùs multùm divaricantur. Latior est externus, longior internus, & sic levibus posterioris Patellæ faciei cavitatibus adaptantur.

Patellæ usus hi sunt : ut Musculis tibiæ extensoribus insertionem præbeat; ut eorum directionis linea à centro motus articulationis longius distet, ac proinde facilius evadat actio, nec comprimi vel obteri possit tendo communis. Inde Patella cum Olecranio ita conferri potest ut dicatur Olecranium mobile, Olecraniumque vicissim Rotula immobilis, Sic benè provida Natura instituit ut, Olecranio immobili, tutius firmaretur cubiti articulatio, Patellâ verò mobili, crus jam flexum intùs & extùs semi-Rotatione ferri posset.

Fractura Græcis *παραγμα* dicitur solutio continui in osse à causâ externâ, violentâ & contundente producta.

Vel in longum, vel obliquè, vel transversè, vel in fragmenta rumpi Patella solet : simplex erit vel complicata fractura pro causarum, Accidentium & Symptomatum varietate.

Causæ sunt ictus, lapsus, & corpora quævis contundentia in Patel-
lam graviter impacta : sed hoc habet peculiare Rotula, quòd solâ vi
Musculorum frangi possit : ubi enim instat lapsus, imminens ut vitetur
periculum, subito motu *Automatico* corpus in contrarium retrahitur :
fortitèr ac repentiè contrahuntur Musculi tibiæ extensores, & ita Ro-
tula hinc ligamento resistente firmitèr retenta, indè contractione Mus-
culari violentèr sursùm abrepta, transversè rumpitur.

Quæ ita fit fractura, facilè dignoscitur : cum sursùm attrahatur pars
superior, fragmentorum statim intervallum sentitur ; quæ alitèr, motu
partium fractarum, crepitatione, & quandoquè etiam intervallo frag-
mentorum distinguitur.

Pro variis fracturarum speciebus, varia prognosis. Transversa plùs
minùsve periculi secum trahit pro dimotione partium, pro fragmento-
rum magnitudine, pro causis & accidentibus. Quæ fit secundùm ossis axim
(cæteris paribus) faciliùs Coalescet : de obliquæ consolidatione majus
oritur dubium : in multa verò frustra divisam ægrè admodùm coadu-
nari posse contendimus.

Fortè nullus è morbis frequentius & infeliciùs industriam, quàm Pa-
tellæ fractura suscitavit : nec mirum. Dum enim hinc à plurimis nega-
tur hujus ossis Coalitio, dum indè innumeri propè ex ipso morbo exur-
gunt obices superandi, anceps & dubius inter varia curandi media
Chirurgus modò hùc confugit, modò illùc, quid faciat incertus. Nos
autem, ut ut sit, varias hùc usque usurpatas curandi methodos percur-
remus, ac deindè unientis fasciæ haud ita pridem excogitatæ usum pro-
ponemus.

5
Ut fracturam reducant aliis alii mediis utuntur. Quidam crure jam extenso advertus aliquid fixum Plantâ pedem insistere cogunt, tùm pollicum ope successivâ superiorem Rotulæ partem in sedem suam paulatim repellunt.

Alii suram pulvinum supra ponunt ita ut, alto pede, corpus & crura apertum angulum effingant.

Ægro supino decumbente, ait Heisterus, pedeque extenso, manibus fragmenta solertè compellentur, &c.

Crure jam extenso, ad angulum usque rectum inferior extremitas trunco inflectatur nuperrimè præcepit M. Valentin, Artis nostræ peritus.

Non alium situm, non aliam curationem, quàm in fracturâ tibiæ, commendant quidam Authores.

Utilior erit positio quâ Musculi cruris maximè relaxantur: Supina igitur valdè congruit: tùm crus sit altius Femore, crure pes altior. Corpus omne mollitè & inertè recumbat, imò præcaveatur sedulo ne motus ullos edat inconsultos æger.

Nec protectò satis est si partes fractæ apprimè coaptatæ fuerint & in sedem suam repositæ; eas in mutuo contactu retinere hoc opus, hic labor. Ut verò reducta Patellæ fractura contineatur, varia itidem celebrantur media.

Quæ, tibiâ fractâ, usurpatur, eam aliqui fasciam proposuerunt.

Fracturæ longitudinali, fascia uniens ad vincienda ventris ac frontis longiora vulnera proposita, adaptetur, ait Heisterus; in transversâ emplastris vel lunatis, vel perforatis utendum.

M. Petit & alii usum fasciationis, quæ ex circumvolutionibus dicitur vernaculè (*bandage en huit de chiffre*) commendant: volutata lunataque duo addunt Spleniola infra & supra partes fractas apponenda; tùm supra Patellam & secundum cruris axim applicatur emplastrum longius in quatuor capita divisum. Postea longior apponitur tania, ac demùm superiora emplastri capita inferius, inferiora superius retrahuntur, ita ut ad constringendum apparatus & partes approximandas purissimum valeant: denique advocant Palearia, gallicè *fanons*.

In magno Parisiensi Nosocomio eadem celebratur *fasciatio*. Curvatorum spleniorum loco circulum è corio factum applicant: circuli vacuum implent reductæ Patellæ partes.

M. verò Valentin, quem situm angularem ad repositionem præcepisse diximus, nihil aliud ad perficiendam curationem jubet, quàm ut ille situs, appositâ soleâ, & substratis pulvinaribus, per totum curationis curriculum fervetur.

Ex hoc opinionum, tum de situ, tum de mediis ad reponendam & continendam fracturam idoneis, conflictu, facile probatur, quàm difficilis hæc usque visa fuerit perfectæ hujus fracturæ sanatio. Sed quò majores insurgunt obices, eò sagacior excitari debet Chirurgi industria. Quod igitur usu melius & ad curationem aptius videbitur, indicabimus.

Partes quaslibet fractas fasciâ continendas Authores unâ consentiunt. *Retentio in situ sit fasciis, spleniis, ferulis, canalibus, quietem conciliando, tum impediendo & dirigendo actionem musculorum*; ait Boerh. Idem in Patellæ fracturâ fiat, nec jam de perfectâ curatione desperetur.

Ac primò quidem *agro supino decumbente*, crus & pes paululùm tolerantur: Sic impediatur actio Musculorum nocua: in maximâ extensione crus collocetur: tum, si nulla adsunt graviora accidentia, digitorum ope, pars superior fractæ Patellæ, sensim sine sensu ad inferiorem usque, ita deducatur, ut accuratè vitetur seu ligamenti seu Aponevroseos interpositio; ex hæc enim non dolores modò acutissimi, sed perfectæ Coalitioni obstaculum orientur. Sin aurem fractas partes immediato & mutuo contactu sibi invicem applicari sensu quodam crepitationis innotescat, ea cautio adhibeatur, ut Patella è suâ sedè, ut ita dicam, dimota, anteriùs quam maximè promineat, ac deindè celebrabitur fascia uniens inferiùs describenda; quæ quidem modò latius modò firmiùs pro tumefactione, inflammatione, &c. constringetur.

Si vero graviora accidentia primo instanti repositionem & unientis fasciæ usum prohibeant, ne tentes repositionem, sed potius opportunum tempus expecta: adhibe Topica emollientia, ad generalia con-
fuge remedia, ac demùm, ubi paulatim remittent Symptomata, felicius fundusque usurpabitur uniens fascia, quæ sic instituitur.

Octo partibus constat.

1°. Canali ferreo, proprio pulvinari munito, cui super additur pulvinar complementi quo mollitèr simul & firmitèr Genu recumbar.

2°. Duobus loris, quâlibet extremitate fibulâ armatis, quæ transversè sub Canali ponuntur, superius aliud, aliud inferius.

3°. Duobus aliis loris, in medio inferiùs pulvinari compactiori, superiùs fibulâ transversâ munitis, quæ supra & infra partes fractas collocantur, quorumque extremitates quatuor fibulis suppositorum Canali lororum inferuntur.

4°. Duabus taniis unientibus quæ secundùm cruris axim positæ, transversorum lororum simbriæ alligatæ, se decussant invicem & fibulis transversis deindè inferuntur, ita ut tania superior inferiori fibulâ, inferior vero superiori constringatur. Hæ ad approximandas partes, lora vero ad coarctandum apparatus inserviunt.

Hujus-ce unientis fasciationis pluriès solerter à celeberrimo actûs Præsidentis adhibita, utilitates ac commoda ratio demonstrat, experientia felicissimè confirmavit.

Typis ANDRÆ-CAROLI CAILLEAU, viâ Sancti-Severini,
è regione Ecclesiæ. 1775,